

OFFERYNNAU STATUDOL CYMRU

**2015 No. 54**

**Rheoliadau Addysg (Cymorth i Fyfirwyr) (Cymru) 2015**

**RHAN 12**

**CYMORTH AT GYRSIAU RHAN-AMSER**

**Cyrsiau rhan-amser dynodedig**

**88.**—(1) Yn ddarostyngedig i baragraffau (2) a (3), mae cwrs rhan-amser yn gwrs dynodedig at ddibenion adran 22(1) o Ddeddf 1998 a rheoliad 86—

- (a) os yw'n gwrs a restrir yn Atodlen 2 ac eithrio cwrs ar gyfer hyfforddiant cychwynnol athrawon—
  - (i) a ddechreuodd cyn 1 Medi 2010;
  - (ii) sy'n dechrau ar neu ar ôl 1 Medi 2010, a'r myfyriwr yn trosglwyddo i'r cwrs presennol yn unol â rheoliad 8 o gwrs ar gyfer hyfforddiant cychwynnol athrawon a ddechreuodd cyn 1 Medi 2010; neu
  - (iii) a ddechreuodd ar neu ar ôl 1 Medi 2010 ond cyn 1 Medi 2011 a'r myfyriwr yn fyfyriwr blwyddyn i ffwrdd 2010 mewn perthynas â'r cwrs;
- (b) os yw'n parhau am o leiaf un flwyddyn academiaidd;
- (c) os yw fel arfer yn bosibl gorffen y cwrs mewn dim mwy na—
  - (i) dwywaith y cyfnod y mae ei angen fel arfer i gwblhau cwrs llawnamser cyfatebol pan fo'r cwrs yn dechrau cyn 1 Medi 2014; neu
  - (ii) pedair gwaith y cyfnod y mae ei angen fel arfer i gwblhau cwrs llawnamser cyfatebol pan fo'r cwrs yn dechrau ar neu ar ôl 1 Medi 2014;
- (d) os yw'n cael ei ddarparu'n gyfan gwbl gan sefydliad addysgol yn y Deyrnas Unedig a ariennir yn gyhoeddus neu'n cael ei ddarparu gan sefydliad o'r fath ar y cyd â sefydliad y tu allan i'r Deyrnas Unedig;
- (e) nad yw wedi ei ddynodi gan neu o dan reoliad 5; ac
- (f) nad yw wedi ei ddynodi gan neu o dan reoliad 71.

(2) Nid yw cwrs sy'n dod o fewn paragraff 7 neu 8 o Atodlen 2 yn gwrs rhan-amser dynodedig os yw corff llywodraethu ysgol a gynhelir wedi trefnu darparu'r cwrs hwnnw i un o ddisgyblion yr ysgol.

(3) Nid yw cwrs yr ymgymerir ag ef fel rhan o gynllun hyfforddi athrawon ar sail cyflogaeth yn gwrs rhan-amser dynodedig.

(4) At ddibenion paragraff (1)—

- (a) mae cwrs yn cael ei ddarparu gan sefydliad os yw'r sefydliad yn darparu'r addysgu a'r goruchwyllo sy'n ffurfio'r cwrs, pa un a yw'r sefydliad wedi gwneud cytundeb gyda'r myfyriwr i ddarparu'r cwrs neu beidio;

- (b) bernir bod prifysgol ac unrhyw goleg neu sefydliad cyfansoddol sydd o natur coleg prifysgol yn cael eu hariannu'n gyhoeddus os yw naill ai'r brifysgol neu'r coleg neu sefydliad cyfansoddol yn cael eu hariannu'n gyhoeddus; ac
- (c) ni fernir bod sefydliad yn cael ei ariannu'n gyhoeddus dim ond am ei fod yn cael arian o gronfeydd cyhoeddus gan gorff llywodraethu sefydliad addysg uwch yn unol ag adran 65(3A) o Ddeddf Addysg Bellach ac Uwch 1992<sup>(1)</sup>.
- (5) At ddibenion paragraff (1)(c)—
- (a) ystyr “cwrw llawnamser cyfatebol” (“*full-time equivalent*”) yw cwrw llawnamser sy'n arwain at yr un cymhwyster â'r cwrw rhan-amser dan sylw;
- (b) ystyr “cyfnod y mae ei angen fel arfer i gwblhau'r cwrw llawnamser cyfatebol” (“*period ordinarily required to complete the full-time equivalent*”) yw—
- (i) os darperir y cwrw gan neu ar ran y Brifysgol Agored, y cyfnod y byddai ei angen ar fyfyrwr llawnamser safonol i gwblhau'r cwrw llawnamser cyfatebol pe rhoddid iddo 120 o bwyntiau credyd ym mhob blwyddyn academiaidd;
- (ii) os darperir y cwrw gan neu ar ran unrhyw sefydliad arall, y cyfnod y byddai myfyrwr llawnamser safonol yn ei gymryd i gwblhau'r cwrw llawnamser cyfatebol;
- (c) “myfyrwr llawnamser safonol” (“*standard full-time student*”) yw myfyrwr y cymerir—
- (i) ei fod wedi dechrau cwrw llawnamser cyfatebol ar yr un dyddiad ag y dechreuodd y myfyrwr rhan-amser cymwys ar y cwrw rhan-amser o dan sylw;
- (ii) nad yw wedi ei esgusodi rhag dilyn unrhyw ran o'r cwrw llawnamser cyfatebol;
- (iii) nad yw wedi ailadrodd unrhyw ran o'r cwrw llawnamser cyfatebol; a
- (iv) nad yw wedi bod yn absennol o'r cwrw llawnamser cyfatebol ac eithrio yn ystod gwyliau.
- (6) At ddibenion adran 22 o Ddeddf 1998 a rheoliad 86(1), caiff Gweinidogion Cymru ddynodi cyrsiau addysg uwch nad ydynt wedi eu dynodi o dan baragraff (1).
- (7) At ddibenion y Rhan hon, trinnir cwrw rhan-amser dynodedig sy'n dechrau ar neu ar ôl 1 Medi 2014 fel pe bai'n dechrau cyn 1 Medi 2014—
- (a) pan fo'n gwrw rhan-amser dynodedig y mae person yn trosglwyddo iddo yn unol â rheoliad 107 o gwrw rhan-amser dynodedig blaenorol a ddechreuodd cyn 1 Medi 2014; neu
- (b) pan fo'n gwrw rhan-amser dynodedig sy'n gwrw penben, sy'n dilyn ymlaen o gwrw rhan-amser dynodedig a ddechreuodd cyn 1 Medi 2014.

<sup>(1)</sup> 1992 p. 13; mewnosodwyd adran 65(3A) gan Ddeddf Addysgu ac Addysg Uwch 1998 (p. 30), adran 27.